

## An tÚdarás Náisiúnta Iompair

# An Scéim Croíchonair Bus ó Leamhcán go Lár na Cathrach

### Cinneadh maidir leis an Scagadh Measúnachta Cuí

Tá an tÚdarás Náisiúnta Iompair (“an tÚdarás”) ag beartú an Scéim Croíchonair Bus ó Leamhcán go Lár na Cathrach (an “Scéim Bheartaithe”) a dhéanamh.

Tá an Scéim Bheartaithe thart ar 9.7 km ar fad ar an iomlán. Pointe tosaithe na Scéime Beartaithe a bheidh in Acomhal 3 ar Bhóthar Leamhcáin/an N4 / Seachbhóthar Leamhcáin agus tá sí dírithe soir i dtreo Lár na Cathrach. Ó acomhal Bhóthar Bhaile Eoghain/an R136 le Bóthar Leamhcáin/an R835, rachaidh an Scéim Bheartaithe soir feadh Bhóthar Leamhcáin/an R835 go dtí an t-acomhal lena bhfreastalaítear ar Pháirc Mhiondíola Leamhcáin agus ar shliosbhóthar Bhóthar Leamhcáin/an N4 soir. Leanfaidh an Scéim Bheartaithe ar aghaidh tríd an N4 (ag dul di thar Ionad Siopadóireachta Ghleann na Life ag Acomhal 2) chomh fada le hAcomhal 7 den M50 agus tríd an R148 feadh Sheachbhóthar Bhaile Phámar, Sheachbhóthar Shéipéal Iosóid, Bhóthar Choinn Colbaird agus Bhóthar Eoin Thiar go Droichead Phroinsias Uí Shearbháin, áit a gceanglóidh sí leis an gcóras bainistíochta tráchta láithreach ar na Céanna Theas.

Tá an Scéim Bheartaithe, lena soláthrófar saoráidí leithscartha rothaíochta, bonneagar tosaíocht bus agus saoráidí níos fearr do choisithe, suite laistigh de limistéir riaracháin Chomhairle Contae Bhaile Átha Cliath Theas agus Chomhairle Cathrach Bhaile Átha Cliath.

Ordaíodh do Scott Cawley Limited Tuarascáil maidir le Scagadh Measúnachta Cuí a ullmhú don Scéim Bheartaithe chun breithniú, anailís agus measúnú a dhéanamh ar cé acu is dóigh nó nach dóigh, i bhfianaise an eolais eolaíoch is fearr agus bunaithe ar fhaisnéis oibiachtúil agus ar chuspóirí caomhantais an láithreáin Eorpaigh/na láithreán Eorpach (atá pléite tuilleadh thíos), go mbeidh éifeacht shuntasach ag an Scéim Bheartaithe ina haonar nó i gcomhcheangal le pleananna nó tionscadail eile ar láithreán Eorpach/láithreán Eorpacha.

Fuair an tÚdarás an Tuarascáil maidir le Scagadh Measúnachta Cuí agus léigh sé í. Rinne sé breithniú ar a bhfuil inti agus ar na conclúidí agus ar an moladh atá leagtha amach inti. Tar éis dó an méid sin a dhéanamh, comhaontaíonn an tÚdarás leis na conclúidí agus leis an moladh atá leagtha amach sa Tuarascáil maidir le Scagadh Measúnachta Cuí.

### Cinneadh maidir leis an Scagadh Measúnachta Cuí

Chinn an tÚdarás gur gá Measúnacht Chuí a dhéanamh ar an Scéim Bheartaithe toisc gurb amhlaidh, i bhfianaise an eolais eolaíoch is fearr agus bunaithe ar fhaisnéis eolaíoch oibiachtúil, nach féidir leis an Údarás, tar éis dó scagadh a dhéanamh, neamhaird a thabhairt ar an bhfíoras go dtarlóidh sé, in éagmais maolaithe, go mbeidh éifeacht shuntasach ag an Scéim Bheartaithe ina haonar nó i gcomhcheangal le pleananna nó tionscadail eile ar na 16 láithreán Eorpacha seo a leanas (ceithre limistéar caomhantais speisialta agus 12 limistéar cosanta speisialta) i bhfianaise chuspóirí caomhantais na láithreán sin:-

1. Limistéar Caomhantais Speisialta Chuan Bhaile Átha Cliath Theas,

2. Limistéar Caomhantais Speisialta Chuan Bhaile Átha Cliath Thuaidh,
3. An Limistéar Caomhantais Speisialta idir Cloch Dábhiolla agus Oileán Dheilginse,
4. Limistéar Caomhantais Speisialta Reachrann,
5. Limistéar Cosanta Speisialta Chósta Cheann Bhinn Éadair,
6. Limistéar Cosanta Speisialta Inbhear Chuan Bhaile Átha Cliath Theas agus na Tulchann,
7. Limistéar Cosanta Speisialta Oileán an Bhulla,
8. Limistéar Cosanta Speisialta Inbhear Mhullach Íde,
9. Limistéar Cosanta Speisialta Chuan Bhaile Dúill,
10. Limistéar Cosanta Speisialta Inbhear Bhaile Roiséir,
11. Limistéar Cosanta Speisialta Oileáin na Sceirí,
12. Limistéar Cosanta Speisialta Inis Mac Neasáin,
13. Limistéar Cosanta Speisialta Chloch Dábhiolla,
14. Limistéar Cosanta Speisialta Reachrann,
15. Limistéar Cosanta Speisialta Oileáin Dheilginse, agus
16. Limistéar Cosanta Speisialta na Muirí.

Rinne an tÚdarás an cinneadh sin tar éis breithniú a dhéanamh ar an timpeallacht éiceolaíoch bhonnline agus ar mhéid agus saintréithe na Scéime Beartaithe agus tar éis na tionchair fhéideartha seo a leanas a shainaithint:

- Cailteanas agus scoilteadh gnáthóige;
- Díghrádú gnáthóige/éifeachtaí ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha;
- Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh; agus
- Tionchair cur isteach agus dhúláithriúcháin.

Tá tuilleadh mionsonraí tugtha thíos faoi gach ceann de na tionchair fhéideartha a sainaitníodh.

#### Cailteanas agus scoilteadh gnáthóige

Ós rud é nach bhfuil an Scéim Bheartaithe ag forluí ar aon láithreán Eorpach, níl aon fhéidearthacht ann go dtiocfadh cailteanas agus scoilteadh díreach gnáthóige chun cinn mar thoradh ar an Scéim Bheartaithe. Maidir le speicis is Leasanna Caomhantais Speisialta ar ainmníodh Limistéir Chosanta Speisialta i gcomharsanacht na Scéime Beartaithe ina leith, áfach, is eol go mbaineann siad úsáid as láithreáin bheathaithe *ex situ* i limistéar Bhaile Átha Cliath. Maidir le páirc imeartha CLG Ghaeil na Life, atá lonnaithe laistigh de lorg na Scéime Beartaithe idir Seachbhóthar Shéipéal Iosóid agus Bóthar Choinn Colbaird, tá sí ina láithreán beathaithe intíre féideartha a chailfear, sa ghearrthearma ar a laghad, le linn thréimhse tógála na Scéime Beartaithe. D'fhéadfadh tionchair a bheith ann ar speicis is leasanna caomhantais speisialta de chuid Limistéar Cosanta Speisialta mar thoradh ar chailteanas/scoilteadh gnáthóige. Fágann sé sin go bhféadfadh éifeachtaí i gcomhcheangal teacht chun cinn.

### Díghrádú gnáthóige/éifeachtaí ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha

Tá an Scéim Bheartaithe nasctha go hidreolaíoch le Cuan Bhaile Átha Cliath trí Abhainn Pháirc Anna, tríd an gCamóg, tríd an gCanáil Mhór, tríd an Life, trí Inbhear na Life Uachtarach agus trí Inbhear na Life Íochtarach, mar aon le gréasán comhcheangailte seanbhunaithe píobán séarachais/uisce dromchla. Tríd is tríd, áirítear leis na hoibreacha tógála ginearálta atá beartaithe laistigh d'achar na Scéime Beartaithe oibreacha ar chosáin agus dromchlaí bóthair atá ann cheana agus oibreacha draenála beartaithe. Soláthrófar déanamhais nua (droichid, ballaí coinneála, etc. (e.g., droichead coisithe agus rothaithe athsholáthair thar an N4 ag Bóthar Bhaile Eoghain; droichead coisithe thar an N4 ag Ionad Siopadóireachta Ghleann na Life; leathnú dhroichead Bhóthar Chnoc Shéipéal Iosóid; agus ballaí coinneála feadh an N4, lena n-áirítear ag Galfchúrsa Eirmeatáiste agus Clinic Liachta Eirmeatáiste)). Maidir le rith féideartha uisce éillithe dromchla chun srutha agus/nó eachtra doirte nó truailithe de thaisme isteach in aon ghnéithe uisce dromchla le linn na tógála, nó le linn oibríochtaí, d'fhéadfadh siad difear a dhéanamh do cháilíocht an uisce sa timpeallacht uisceach glactha.

Sa chás féideartha is measa agus in éagmais aon bheart maolaithe, is amhlaidh, maidir le rith uisce éillithe dromchla chun srutha agus/nó eachtra doirte nó truailithe de thaisme isteach in aon ghnéithe uisce dromchla le linn na tógála, nó le linn oibríochtaí, a d'fhéadfadh siad difear a dhéanamh freisin do speicis éan is leasanna caomhantais speisialta agus do speicis mamach is leasanna cáilitheacha a dhéanann comaitéireacht, a théann ar thóir foráiste agus a ligeann a scéim ag Cuan Bhaile Átha Cliath, i.e., éin a bhaineann le Limistéar Cosanta Speisialta Oileáin na Sceirí, Limistéar Cosanta Speisialta Chloch Dábhiolla, Limistéar Cosanta Speisialta Reachrann, Limistéar Cosanta Speisialta Inis Mac Neasáin, Limistéar Cosanta Speisialta Chuan Bhaile Átha Cliath Thuaidh, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Mhullach Íde, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin Dheilginse agus Limistéar Cosanta Speisialta na Muirí agus mamaigh mhuirí a bhaineann leis an Limistéar Caomhantais Speisialta idir Cloch Dábhiolla agus Oileán Dheilginse agus Limistéar Caomhantais Speisialta Reachrann. Is é an toradh a d'fhéadfadh a bheith ar an laghdú féideartha sin i gcáilíocht an uisce (ina aonar nó i gcomhcheangal le brúnna eile ar cháilíocht an uisce) ná díghrádú gnáthóg íogair atá i láthair laistigh de láithreáin Eorpacha síos an abhainn, rud a dhéanfadh difear diúltach do na speicis éan is leasanna caomhantais speisialta a théann ar thóir foráiste agus/nó ar an bhfara ar na gnáthóga sin. D'fhéadfadh sé difear diúltach a dhéanamh do chainníocht agus cáilíocht na creiche atá ar fáil do phobail is leasanna caomhantais speisialta agus is leasanna cáilitheacha freisin. Sa chás is measa, is é an toradh a d'fhéadfadh a bheith ar na tionchair fhéideartha sin ná an bonn a bhaint de chuspóirí caomhantais Limistéar Cosanta Speisialta Oileáin na Sceirí, Limistéar Cosanta Speisialta Chloch Dábhiolla, Limistéar Cosanta Speisialta Reachrann, Limistéar Cosanta Speisialta Inis Mac Neasáin, Limistéar Cosanta Speisialta Chuan Bhaile Átha Cliath Thuaidh, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Mhullach Íde, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin Dheilginse, Limistéar Cosanta Speisialta na Muirí, an Limistéar Caomhantais Speisialta idir Cloch Dábhiolla agus Oileán Dheilginse agus Limistéar Caomhantais Speisialta Reachrann.

Ós rud é go bhféadfadh an Scéim Bheartaithe a bheith ina cúis le díghrádú gnáthóige agus le héifeachtaí ar na speicis is leasanna caomhantais speisialta agus ar na speicis mamach muirí is leasanna cáilitheacha agus is leasanna caomhantais de chuid láithreán Eorpach mar thoradh ar thionchair hidreolaíocha, d'fhéadfadh éifeachtaí i gcomhcheangal teacht chun cinn.

### Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh

Tá cúig limistéar glúiní bioraí (*Reynoutria japonica*) suite laistigh den Scéim Bheartaithe nó i ndlíthghaireacht di. Tá an speiceas sin liostaithe sa Tríú Sceideal a ghabhann leis na Rialacháin maidir le hÉin agus Gnáthóga Nádúrtha. In éagmais aon bheart maolaithe, tá acmhainneacht ann go leathfadh speicis ionracha, nó go dtabharfaí isteach iad, le linn oibreacha tógála agus/nó oibreacha

gnáthchothabhála/bainistíochta a dhéanamh ar limistéir ghnáthóige talún i láithreáin Eorpacha síos an abhainn ó Chuan Bhaile Átha Cliath (i.e., Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Cosanta Speisialta Oileán an Bhulla agus Limistéar Cosanta Speisialta Inbhear Chuan Bhaile Átha Cliath Theas agus na Tulchann). Mar thoradh ar na speicis ionracha sin a thabhairt isteach i láithreáin Eorpacha síos an abhainn agus/nó ar iad a leathadh chuig na láithreáin sin, d'fhéadfadh go ndíghrádófaí na gnáthóga atá ann cheana, go háirithe na gnáthóga sin nach mbíonn faoi sháile ar bhonn buan nó tráthrialta. D'fhéadfadh go bhfaigheadh na speicis sin an lámh in uachtar ar speicis dhúchasacha eile atá ann, rud a dhéanfadh difear diúltach do chomhdhéanamh, éagsúlacht agus flúirse na speiceas agus d'iomláine struchtúrach fhisiciúil na gnáthóige. Ar an tslí sin, d'fhéadfadh sé sin an bonn a bhaint de chuspóirí caomhantais na láithreán Eorpach sin.

#### **Tionchair cur isteach agus dhíláithriúcháin**

Is é an toradh a d'fhéadfadh a bheith ar mhéadú sealadach agus/nó buan i leibhéil torainn, tonnchreatha agus/nó ghníomhaíocht an duine le linn thógáil na Scéime Beartaithe ná cur isteach ar na speicis fána atá i láthair i gcomharsanacht na Scéime Beartaithe agus/nó na speicis sin a dhíláithriú. I gcás speiceas mamach amhail an madra uisce, ní mheasfaí go mbeadh na héifeachtaí cur isteach le sonrú níos mó ná 250 m ar shiúl. I gcás éan geimhrithe, ní mheasfaí go mbeadh na héifeachtaí cur isteach le sonrú níos mó ná thart ar 300 m ar shiúl toisc gurb amhlaidh, maidir leis na leibhéil torainn a bhaineann le gníomhaíochtaí tógála ginearálta, a thanódh siad gar do leibhéil chúlra ag an bhfad sin. Níl aon láithreáin Eorpacha ann laistigh de chrios tionchair cur isteach na Scéime Beartaithe.

Is ann do roinnt limistéar cosanta speisialta cósta atá ainmnithe do speicis is leasanna caomhantais speisialta arb eol go dtéann siad ar thóir foráiste agus/nó ar an bhfara ag láithreáin intíre, amhail páirceanna imeartha ar fhéarach taitneamhachta (i.e., Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Oileán an Bhulla, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Inis Mac Neasáin agus Limistéar Cosanta Speisialta Reachrann, chomh maith le Limistéar Cosanta Speisialta na Muirí). Áirítear leis na speicis sin an cadhan, an pilibín, an roilleach, an sléibhín, an faoileán scadán agus an droimneach beag. Tá láithreáin oiriúnacha foráiste/fara lonnaithe laistigh de chrios tionchair féideartha na Scéime Beartaithe, ar láithreáin iad a mbaineann na speicis éan sin leas astu. Dá bhrí sin, tá féidearthacht ann go gcuirfí isteach ar speicis éan is leasanna caomhantais speisialta a bhaineann le láithreáin Eorpacha nó go ndíláithreofaí iad mar thoradh ar an Scéim Bheartaithe.

#### **Achoimre**

Maidir leis an gcaillteanas gnáthóige, na tionchair hidreolaíocha, na tionchair ar speicis ionracha neamhdhúchasacha agus na tionchair cur isteach agus dhíláithriúcháin a bhaineann leis an Scéim Bheartaithe, tá acmhainneacht acu difear a dhéanamh don timpeallacht glactha agus, dá bharr sin, do na cuspóirí caomhantais a thacaíonn leis na leasanna cáilítheacha/na leasanna caomhantais speisialta de chuid aon láithreáin Eorpaigh/láithreán Eorpach. Dá bhrí sin, ní féidir neamhaird a thabhairt ar an acmhainneacht atá ag an Scéim Bheartaithe éifeachtaí suntasacha dóchúla a bheith aici ar láithreán Eorpach/láithreáin Eorpacha.

#### **Éifeachtaí i gcomhcheangal**

D'fhéadfadh forbairtí atá beartaithe nó atá deonaithe, nó forbairtí a chuirfear chun feidhme faoi raon pleananna úsáid talún nó faoi phleananna eile, a bheith suite laistigh de láithreáin Eorpacha nó a bheith suite laistigh de láthair ina bhféadfadh siad teacht faoi chrios tionchair láithreán Eorpach a thagann freisin faoi chrios tionchair na Scéime Beartaithe.

I measc na bpríomhthionscadal forbartha a bhféadfadh éifeachtaí i gcomhcheangal a bheith acu de bharr a méide, a gcineáil agus/nó a láithreach tá Scéimeanna eile Croíchonairí Bus, MetroLink, uasghráduithe ar an mbonneagar iarnróid nó bonneagar nua iarnróid, agus bonneagar fónais, lena n-áirítear feabhas beartaithe nó toilithe ar fhóntais uisce.

Maidir leis an acmhainneacht atá ann go dtiocfadh éifeachtaí i gcomhcheangal chun cinn idir na pleananna agus na tionscadaí sin agus an Scéim Bheartaithe, tagann sí as na conairí céanna le haghaidh éifeachtaí féideartha, mar atá sainaitheanta don Scéim Bheartaithe (i.e., éifeachtaí hidreolaíocha, éifeachtaí ar speicis ionracha, éifeachtaí ar chaillteanas agus/nó scoilteadh gnáthóige agus éifeachtaí cur isteach agus díláithriúcháin). Is éifeachtaí iad sin a d'fhéadfadh gníomhú i gcomhcheangal le héifeachtaí agus conairí den chineál céanna a thiocfaidh as na pleananna éagsúla.

Dá bhrí sin, ní féidir an acmhainneacht atá ann go dtiocfadh na héifeachtaí seo a leanas chun cinn i gcomhcheangal le pleananna agus tionscadaí eile a chur as an áireamh:

- Scoilteadh gnáthóige (mar shampla, láithreáin Eorpacha atá i mbaol caillteanais ghnáthóige *ex situ*: Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Oileán an Bhulla, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Mhullach Íde, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Reachrann, Limistéar Cosanta Speisialta Inis Mac Neasáin agus Limistéar Cosanta Speisialta na Muirí);
- Díghrádú/éifeachtaí gnáthóige ar speicis is leasanna cáilitheacha/leasanna caomhantais speisialta mar thoradh ar thionchair hidreolaíocha (mar shampla, laghdú i gcáilíocht an uisce i ndobharcheantair a dhraenáilann chuig Cuan Bhaile Átha Cliath, rud a dhéanann difear do na cuspóirí caomhantais a thacaíonn le gnáthóga agus speicis uisceacha i Limistéar Caomhantais Speisialta Chuan Bhaile Átha Cliath Thuaidh, Limistéar Caomhantais Speisialta Chuan Bhaile Átha Cliath Theas, Limistéar Cosanta Speisialta Chósta Cheann Bhinn Éadair, an Limistéar Caomhantais Speisialta idir Cloch Dábhiolla agus Oileán Dheilginse, Limistéar Caomhantais Speisialta Reachrann, Limistéar Cosanta Speisialta Inbhear Chuan Bhaile Átha Cliath Theas agus na Tulchann, Limistéar Cosanta Speisialta Oileán an Bhulla, Limistéar Cosanta Speisialta Oileáin Dheilginse, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Mhullach Íde, Limistéar Cosanta Speisialta Inbhear Bhaile Roiséir, Limistéar Cosanta Speisialta Inis Mac Neasáin, Limistéar Cosanta Speisialta Oileáin na Sceirí, Limistéar Cosanta Speisialta Chloch Dábhiolla, Limistéar Cosanta Speisialta Reachrann agus Limistéar Cosanta Speisialta na Muirí);
- Díghrádú gnáthóige mar thoradh ar speicis ionracha neamhdhúchasacha a thabhairt isteach/a leathadh; agus,
- Tionchair cur isteach agus dhíláithriúcháin (mar shampla, láithreáin bheathaithe intíre *ex situ* a bhíonn in úsáid ag speicis éan geimhrithe is leasanna caomhantais speisialta laistigh de Chríos Tionchair cur isteach féideartha na Scéime Beartaithe i Limistéar Cosanta Speisialta Inbhear Bhaile Átha Cliath Theas agus na Tulchann, Limistéar Cosanta Speisialta Oileán an Bhulla, Limistéar Cosanta Speisialta Inbhear Mhullach Íde, Limistéar Cosanta Speisialta Chuan Bhaile Dúill, Limistéar Cosanta Speisialta Inbhear Bhaile Roiséir, Limistéar Cosanta Speisialta Oileáin na Sceirí, Limistéar Cosanta Speisialta Inis Mac Neasáin, Limistéar Cosanta Speisialta Reachrann agus Limistéar Cosanta Speisialta na Muirí).

### **Conclúidí an Phróisis Measúnachta Scagtha**

Tar éis scrúdú, anailís agus meastóireacht a dhéanamh ar an bhfaisnéis ábhartha ar fad, i bhfianaise an eolais eolaíoch is fearr, agus trí phrionsabal an réamhchúraim a chur i bhfeidhm, is féidir teacht ar an gconclúid gurb amhlaidh, in éagmais maolaithe, go bhféadfadh an tionscadal ina aonar nó i gcomhcheangal le pleananna agus tionscadaí eile éifeachtaí suntasacha a bheith aige ar na láithreáin Eorpacha seo a leanas

mar thoradh ar thionchair hidreolaíocha, tionchair ar chailteanas agus/nó scoilteadh gnáthóige agus tionchair ar speicis ionracha agus tionchair cur isteach agus dhíláithriúcháin: Limistéar Caomhantais Speisialta Chuan Bhaile Átha Cliath Thuaidh; Limistéar Caomhantais Speisialta Chuan Bhaile Átha Cliath Theas; an Limistéar Caomhantais Speisialta idir Cloch Dábhiolla agus Oileán Dheilginse; Limistéar Caomhantais Speisialta Reachrann; Limistéar Cosanta Speisialta Chósta Cheann Bhinn Éadair; Limistéar Cosanta Speisialta Oileán Dheilginse; Limistéar Cosanta Speisialta Chloch Dábhiolla; Limistéar Cosanta Speisialta Oileán an Bhulla; Limistéar Cosanta Speisialta Inbhear Chuan Bhaile Átha Cliath Theas agus na Tulchann; Limistéar Cosanta Speisialta Inis Mac Neasáin; Limistéar Cosanta Speisialta Inbhear Mhullach Íde; Limistéar Cosanta Speisialta Chuan Bhaile Dúill; Limistéar Cosanta Speisialta Inbhear Bhaile Roiséir; Limistéar Cosanta Speisialta Oileáin na Sceirí; Limistéar Cosanta Speisialta Reachrann; agus Limistéar Cosanta Speisialta na Muirí.

Sular thángthas ar an gconclúid sin, rinneadh breithniú iomlán ar chineál an tionscadail agus ar a chaidreamh féideartha le gach láithreán Eorpach laistigh den chrios tionchair agus ar chuspóirí caomhantais na láithreán sin.

D'iarr an tÚdarás go ndéanfaí Ráiteas Tionchair Natura a ullmhú agus a thabhairt chun críche lena chur faoi bhráid an Bhoird Pleanála i gcomhar le hiarratas ar cheadú don Scéim Bheartaithe.

Tá an cinneadh seo ar fáil lena iniúchadh ag Oifigí an Údaráis Náisiúnta Iompair, Dún Scéine, Lána Fhearchair, Baile Átha Cliath 2, D02 WT20, agus ar an suíomh Gréasáin [www.busconnects.ie](http://www.busconnects.ie).

Sínte: 

Le haghaidh agus thar ceann Bhord Chlár BusConnects an Údaráis Náisiúnta Iompair

Dátaithe:- [27th September 2022]